

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL HEADQUARTER OF CIVIL PROTECTION

Na osnovu tačke VIII stav 4. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, br. 4/12 i 80/13), člana 18. Poslovnika o radu Federalnog štaba civilne zaštite broj: 11-49/1-483-3/11 od 26.10.2011. godine i broj: 12-02/10-542-4/17 od 04.10.2017. godine i Odluke Vlade Federacije Bosne i Hercegovine o proglašenju nesreće uzrokovane pojavom koronavirusa (COVID 19) na području Federacije BiH, V. broj 408/2020 od 16.03.2020. godine, Federalni štab civilne zaštite, donosi

**ODLUKU
O NABAVCI MATERIJALA I OPREME U USLOVIMA POGORŠANE EPIDEMIOLOŠKE
SITUACIJE**

I

Odobrava se Federalnoj upravi civilne zaštite da izvrši nabavku iz sredstava posebne naknade za zaštitu od prirodnih i drugih nesreća u 2020. godini, u ukupnom iznosu do 2.096.415,00 KM.

II

Materijal i oprema iz tačke 1. ove Odluke odnosi se na nabavku u uslovima pogoršane epidemiološke situacije uzrokovane pojavom koronavirusa (COVID 19) po slijedećoj specifikaciji :

	MATERIJAL I OPREMA	JED.MJERE	KOLIČINA	OKVIRNA CIJENA (KM)	NAPOMENA
1	2	3	4	5	7
1	Zaštitne Maske	Kom	100.000	231.660,00	
2	Dezinfekcijsko sredstvo	Litri	2000	19.650,00	
3	Zaštitne rukavice	Kom	250.000	15.900,00	
4	Ručna medicinska kamera sa sistemom mjerenja tjelesne temperature	Kom	20	77.220,00	
5	Višekratna varena zaštitna odijela	Kom	1000	175.500,00	
6	Kreveti sa madracem i posteljinom za karanten	Kom	600	189.885,00	
7	Testovi za detekciju nCov-2019	Kom	30.000	1.386.600,00	
	UKUPNO			2.096.415,00	

III

Zadužuje se Federalna uprava civilne zaštite da organizuje i sprovede javnu nabavku iz tačke 1. ove Odluke, u skladu sa saopštenjem Agencije za javne nabavke od 17.03.2020 godine, te nakon provedenog postupka izvršiti Federalni štab civilne zaštite.

IV

Plaćanje nabavke iz tačke 1. ove odluke Federalna uprava civilne zaštite će izvršiti iz finansijskih sredstava sa podračuna otvorenog u okviru Jedinственог računa Trezora pod nazivom FMF-Poseban transakcijski račun sredstava zaštite za zaštitu i spašavanje broj 102-050-0000107474 otvoren kod UNION BANKA DD Sarajevo.

V

Ova odluka stupa na snagu danom donošenja, a primjenjuje se danom davanja saglasnosti Vlade Federacije Bosne i Hercegovine.

Broj: 12-40-6-148- 35 /20
Sarajevo, 20.03.2020. godine



OBRAZLOŽENJE ODLUKE O NABAVCI MATERIJALA I OPREME U USLOVIMA POGORŠANE EPIDEMIOLOŠKE SITUACIJE

I - Zakonski osnov za donošenje odluke

Zakonski osnov za donošenje odluke sadržan je u tački VIII Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, br. 4/12 i 80/13). i u Odluci Vlade Federacije Bosne i Hercegovine o proglašenju nesreće uzrokovane pojavom koronavirusa (COVID 19) na području Federacije BiH, V. broj 408/2020 od 16.03.2020. godine

II - Razlozi za donošenje odluke

Odlukom Vlade Federacije Bosne i Hercegovine o proglašenju nesreće uzrokovane pojavom koronavirusa (COVID 19) na području Federacije BiH, V. broj 408/2020 od 16.03.2020. godine, te zbog pogoršane epidemiološke situacije uzrokovane pojavom koronavirusa (COVID 19), predviđena je nabavka materijala i opreme iz tačke 2. ove odluke.

Obzirom da o korištenju sredstava za opremanje struktura civilne zaštite iz člana 182. stav 1. tač. 2), 3), 5) i 6) Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH, br. 39/03, 22/06 i 43/10), na prijedlog organa uprave civilne zaštite odlučuju štabovi civilne zaštite, zbog toga je neophodno da Federalni štab civilne zaštite donese predmetnu Odluku.

U cilju suzbijanja širenja virusa i za što efikasniji rad Federalne specijalizirane jedinica i zaštite i spašavanja ljudi i materijalnih dobara planirana je nabavka sredstava i opreme u skladu sa saopštenjem Agencije za javne nabavke od 17.03.2020 godine i raspoloživim finansijskim sredstvima na podračunu otvorenom u okviru Jedinstvenog računa Trezora pod nazivom FMF-Poseban transakcijski račun sredstava zaštite za zaštitu i spašavanje broj 102-050-0000107474 otvoren kod UNION BANKA DD Sarajevo.

III - Obrazloženje pravnih rješenja

Tačkom I Odluke odobrava se Federalnoj upravi civilne zaštite da izvrši nabavku Materijal i opreme u uslovima pogoršane epidemiološke situacije uzrokovane pojavom koronavirusa (COVID 19)

Tačkom II Odluke specificiraju se sredstava koja će se nabaviti.

Tačkom III zadužuje se Federalna uprava civilne zaštite za realizaciju javne nabavke do okončanja iste.

Tačkom IV Odluke se definiše plaćanje izvršene nabavke iz tačke II.

Tačkom V Odluke definiše se datum stupanja na snagu Odluke.

IV - Finansijska sredstva

Za realizaciju ove Odluke obezbjeđena su finansijska sredstva u Budžetu Federacije BiH za 2020. godinu, izvor 30, za glavu 4601- Federalna uprava civilne zaštite.